

ხელშეკრულება

ქ.ახალციხე

08.04.2019 წ.

ჩვენ, აღნიშნული ხელშეკრულების მხარეები: ერთის მხრივ სსიპ სამცხე-ჯავახეთის სახელმწიფო უნივერსიტეტი, წარმოდგენილი მისი რექტორის მაკა ბერიძის სახით (შემდგომში-უნივერსიტეტი) და მეორეს მხრივ შ.პ.ს სავაჭრო ცენტრი „ახალციხე“ (შემდგომში -სავაჭრო ცენტრი), მისი დირექტორის ვახტანგ ქართველიშვილის სახით, ორივე მხარე ერთად წოდებული როგორც „მხარეები“, ვდებთ წინამდებარე ხელშეკრულებას შემდეგზე:

1. ხელშეკრულების საგანი:

1.1 წინამდებარე ხელშეკრულებით სავაჭრო ცენტრმა, ვეტერინარიის ინტეგრირებული სამაგისტრო საგანმანათლებლო პროგრამით განსაზღვრული სპეციალობის (დარგობრივი) პრაქტიკისა და სასაწავლო კურსების სილაბუსის/სილაბუსების (დანართი №1) შესაბამისად უზრუნველყოს პრაქტიკული კომპონენტის განხორციელება ვეტერინარულ ზედამხედველობასა და ხორცის ინსპექტირებაში. შემდეგი მიმართულებებით:

- ორგანოებისა და ტან-ხორცის დაკვლისშემდგომი გამოკვლევები და ვეტერინარულ-სანიტარიული შფასება;
- ტან-ხორციდან და ორგანოებიდან სინჯების აღების წესები და აუცილებლობის შემთხვევაში ბაქტერიოლოგიურ გამოკვლევები. გამოკვლევები ხორციელდება სპეციალისტის ზედამხედველობის ქვეშ;
- ღორის ტან-ხორცის შემთხვევაში ღებულობენ ნიმუშებს ტრიქინელოზზე გამოსაკვლევად და ატარებენ ტრიქინელოსკოპიას სპეციალისტის ზედამხედველობის ქვეშ;
- ეცნობიან პირობით ვარგისი და უცნობი წარმომავლობის ხორცის გაუვნებლობის და განკარტგვის წესებს და შესძლებლობისდა მიხედვით პრაქტიკულად ერთგვებიან პროცესის განხორციელებაში;
- ეცნობიან და სწავლობენ ხორცის, რძის და სხვა ცხოველური პროდუქტების შმოტანისას აუცილებელ თანმხლებ დოკუმენტებს;
- მონაწილეობას ღებულობენ ხორცის, რძის, თევზის, კვერცხის, თაფლის და სხვა პროდუქტების ლაბორატორიულ და ვიზუალურ გამოკვლევებში.

1.2 პროგრამის სახელწოდება: ვეტერინარიის ინტეგრირებული სამაგისტრო საგანმანათლებლო პროგრამა.

1.3 პრაქტიკის ხანგრძლივობა, დაწყებისა და დასრულების ვადები ემთხვევა შესაბამისი სასწავლო კურსის სილაბუსის ვადებს.

1.4 პროგრამის პრაქტიკული ნაწილის აღწერა: პროგრამის ფარგლებში დაგეგმილი პრაქტიკული ღონისძიებები მიმართულია ვეტერინარიის სამაგისტრო პროგრამის

სტუდენტების პრაქტიკულ საქმიანობაში ჩართვისა და მათთვის შესაბამისი პროფესიული უნარ-ჩვევების გამომუშავებისაკენ.

2 ხელშეკრულების მოქმედების ვადა და პირობები

2.3 წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს მხარეთა მიერ რაიმე სხვა გადაწყვეტილების მიღებამდე.

2.4 ხელშეკრულების შეწყვეტის ინიციატორი მხარე ვალდებულია ხელშეკრულების ვადის გასვლამდე 2 თვით ადრე წერილობით აცნობოს მეორე მხარეს შეთანხმების შეწყვეტის თაობაზე.

3 მხარეთა უფლებები და ვალდებულებები

3.3 სავაჭრო ცენტრის, უფლებებია:

- სავაჭრო ცენტრის, შეუფერხებლად ფუნქციონირების მიზნით საჭიროების შემთხვევაში დასვას პრაქტიკის გრაფიკის ცვლილების საკითხი.
- მოითხოვოს პრაქტიკის ობიექტზე შინაგანაწესის შესრულება, დაცვა და განხორციელოს კონტროლი.
- განხორციელოს საქართველოს კანონმდებლობით განსაზღვრული სხვა უფლებამოსილებანი.

4. სავაჭრო ცენტრი ვალდებულია:

4.1 უზრუნველყოს პროგრამით გათვალისწინებული პრაქტიკის კომპონენტის განხორციელება პრაქტიკის სილაბუსების შესაბამისად სავაჭრო ცენტრის საქმიანობის სფეროს გათვალისწინებით;

4.2 გამოყოს კვალიფიციური სპეციალისტი პრაქტიკის ხელმძღვანელად;

4.3 უზრუნველყოს სპეციალისტების მიერ სტუდენტებისთვის პრაქტიკული გამოცდილების გაზიარება და ჩართონ სტუდენტების პრაქტიკული საქმიანობის განხორციელებაში;

4.4 ნება დართოს უნივერსიტეტის წარმომადგენელს დაესწროს წინამდებარე ხელშეკრულებით განსაზღვრული ვალდებულებების შესრულების პროცესს.

5. უნივერსიტეტის უფლებებია:

- საჭიროების შემთხვევაში, უნივერსიტეტში მოქმედი რეგულაციების შესაბამისად სასწავლო პროგრამაში შეტანილი ცვლილებები ასახოს სილაბუსებში

6. უნივერსიტეტი ვალდებულია:

6.1 სასწავლო სემესტრის დაწყებისას მიაწოდოს სავაჭრო ცენტრის, სტუდენტების სია და მათი საკონტაქტო ინფორმაცია;

6.2 დროულად მოახდინოს სავაჭრო ცენტრს, ინფორმირება სპეციალობის პრაქტიკის პროგრამაში და სილაბუსის ცვლილების შემთხვევაში.

6.3 დაიცვას შრომითი ხელშეკრულებით ნაკისრი ვალდებულებები;

6.4 ხელშეკრულების თითოეულ მხარეს უფლება აქვს მოსთხოვოს მეორე მხარეს წინამდებარე ხელშეკრულებიდან და მოქმედი კანონმდებლობიდან გამომდინარე ვალდებულებათა კეთილსინდისიერი და ჯეროვანი შესრულება.

7. დასკვნითი დებულებები

7.1 წინამდებარე ხელშეკრულება გაფორმებულია ორი თანაბარი იურიდიული ძალის მქონე ეგზემპლარად.

7.2 წინამდებარე ხელშეკრულებაში ცვლილებები და დამატებები შეიძლება შეტანილ იქნეს მხარეთა შორის წერილობითი შეთანხმების საფუძველზე.

<p>სავაჭრო ცენტრი „ახალციხე“ საიდენტიფიკაციო კოდი: 404452579 მისამართი: თამარაშვილის ქუჩის მიმდებარე ტერიტორია</p> <p>დირექტორი: ვახტანგ კართველიშვილი</p> 	<p>სსიპ სამცხე-ჯავახეთის სახელმწიფო უნივერსიტეტი. საიდენტიფიკაციო კოდი: 424066977 მისამართი: ახალციხე, რუსთაველის 113</p> <p>რექტორი, ასოცირებული პროფესორი: მაკა ბერიძე</p> 
--	--